



সংবাদ বিজ্ঞপ্তি

বাংলাদেশ সরকারকে এগ্রিকালচার পলিসি সাপোর্ট ইউনিট প্রতিষ্ঠায় যুক্তরাষ্ট্রের সহযোগিতা প্রদান

ঢাকা, ৪ঠা নভেম্বর -- কৃষি উৎপাদনশীলতা ও প্রযুক্তি অনেকাংশেই সময়োচিত ও তথ্যতিক্রিক নীতি নির্ধারণী সিদ্ধান্তের ওপর নির্ভর করে। প্রযুক্তি কেন্দ্রিক কৃষি নীতিমালা অন্যদিকে নির্ধারিত হয় বন্ধনিষ্ঠ গবেষণালক্ষ প্রমাণ ও বিশ্লেষণের উপর। এ লক্ষ্যে, যুক্তরাষ্ট্র সরকার যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি)-এর মাধ্যমে কৃষি মন্ত্রণালয়ের অভ্যন্তরে এগ্রিকালচার পলিসি সাপোর্ট ইউনিট (এপিএসইউ) প্রতিষ্ঠায় সহযোগিতা প্রদান করেছে। এপিএসইউ দেশের কৃষি অবস্থা সম্বন্ধে সর্বশেষ তথ্য সংগ্রহ ও প্রকাশে সহায়তা করবে। উদাহরণস্বরূপ, এপিএসইউ বপনের আগে বীজ, সার, সেচ, কৌটনাশক ও জ্বালানি (ডিজেল, বিদ্যুৎ) এবং এর অবস্থা ও আউটলুক প্রতিবেদন এবং শস্য উত্তোলনের আগে কৃষি শস্য সম্পর্কিত আউটলুক প্রতিবেদন প্রকাশ করবে।

এপিএসইউ প্রতিষ্ঠিত হয়েছে কৃষি মন্ত্রণালয় ও ইউএসএআইডি অর্থায়নপুষ্ট পলিসি রিসার্চ এন্ড স্ট্র্যাটেজিক সাপোর্ট প্রকল্প (পিআরএসএসপি) এর যৌথ উদ্যোগে এবং বাস্তবায়িত হচ্ছে আন্তর্জাতিক ফুড পলিসি রিসার্চ ইনসিটিউট (আইএফপিআরআই)-এর দ্বারা। এপিএসইউ ১) স্বল্পমেয়াদী চ্যালেঞ্জ এর জন্য সময়োচিত নীতি নির্ধারণী উপদেশ প্রদান করবে; ২) সমস্যার গভীরে প্রবেশ করে বিশ্লেষণের মাধ্যমে ও দীর্ঘমেয়াদী চ্যালেঞ্জ মোকাবেলায় নীতি নির্ধারণে সহায়তা করবে; এবং ৩) পর্যবেক্ষণ করবে নীতি সমূহের বাস্তবায়ন ও মূল্যায়ন করবে নীতি সমূহের সংশ্লিষ্টতা/প্রভাব। মূলত, এপিএসইউ'র ভূমিকা হবে কৃষিখাতে তথ্য সংগ্রহ ও বিশ্লেষণ করা এবং সেই বিশ্লেষণের ওপর ভিত্তি করে নীতি সংশ্লিষ্ট উপদেশ দেয়া। নিজস্ব গবেষণা পরিচালনা করতে আগ্রহী অন্যান্য প্রতিষ্ঠানের জন্য এপিএসইউ একটি তথ্যকেন্দ্র হিসেবে ব্যবহৃত হবে।

১৯৭১ সাল থেকে বাংলাদেশের উন্নয়ন সহায়তায় যুক্তরাষ্ট্র সরকার 'ইউএসএআইডি'র মাধ্যমে ৬শ কোটি ডলারেরও বেশী প্রদান করেছে। ২০১২ সালে 'ইউএসএআইডি' বাংলাদেশের জনগণের জীবনমান উন্নয়নে ২০ কোটি ডলারের বেশী প্রদান করেছে। এর মধ্যে অন্তর্ভুক্ত রয়েছে পরিবেশ ও জলবায়ু পরিবর্তন তহবিলে প্রদত্ত এক কোটি ৭০ লাখ ডলার। 'ইউএসএআইডি' যেসকল কর্মসূচীতে সহায়তা প্রদান করে সেগুলো হচ্ছে -- গণতান্ত্রিক প্রতিষ্ঠানসমূহের প্রসার ও গণতন্ত্রের অনুশীলন, খাদ্য নিরাপত্তা কর্মসূচীর ও অর্থনৈতিক সুযোগ-সুবিধার সম্প্রসারণ, স্বাস্থ্য ও শিক্ষা সেবার উন্নয়ন, এবং অভিযোজন ও স্বল্প কার্বন উন্নয়নের মাধ্যমে জলবায়ু পরিবর্তন পরিস্থিতির সাথে খাপ খাওয়ানো।

**EMBASSY OF THE UNITED STATES OF AMERICA
PUBLIC AFFAIRS SECTION**

TEL: 880-2-883-7150-4 FAX: 880-2-9881677, 9885688
E-MAIL: DhakaPA@state.gov WEBSITE: <http://dhaka.usembassy.gov>



USAID | BANGLADESH
FROM THE AMERICAN PEOPLE

=====

ঢাকাস্থ যুক্তরাষ্ট্র দূতাবাসের পরিপূর্ণ তথ্য এবং বাংলা ও ইংরেজীতে বক্তব্য ও সংবাদ বিজ্ঞপ্তির জন্য আমাদের ওয়েবসাইটে
<http://dhaka.usembassy.gov> এবং ফেসবুকে www.facebook.com/bangladesh.usembassy চোখ রাখুন।

**EMBASSY OF THE UNITED STATES OF AMERICA
PUBLIC AFFAIRS SECTION**

TEL: 880-2-883-7150-4 FAX: 880-2-9881677, 9885688
E-MAIL: DhakaPA@state.gov WEBSITE: <http://dhaka.usembassy.gov>